



Broj: 02-02-3853-1/21
Lukavac, 06.10.2021. godine

Na osnovu člana 108., a u vezi sa članom 41. Statuta općine Lukavac – prečišćeni tekst („Službeni glasnik općine Lukavac“, broj: 5/08 i 1/14), člana 29. Odluke o izvršenju Budžeta općine Lukavac za 2021. godinu („Službeni glasnik općine Lukavac“, broj: 3/21) i Odluke o posebnim kriterijima za raspodjelu sredstava za podsticaj mladima u budžetskoj 2021. godini broj: 02-02-3853/21 od 28.09.2021. godine, Općinski načelnik, objavljuje

JAVNI POZIV
za raspodjelu sredstava za podsticaj mladima

I

Objavljuje se Javni poziv za raspodjelu sredstava za podsticaj mladima u iznosu od **6.400,00 KM** predviđenih Budžetom općine Lukavac za 2021. godinu, razdvojeno 10, kod potrošačke jedinice 05, ekonomski kod 614324, - „Podsticaj mladima“.

II

Pravo prijave na javni poziv imaju:

1. Vijeće mlađih,
2. Omladinske organizacije i neformalne grupe mlađih (upisane u registar omladinskih organizacija i neformalnih grupa mlađih kod nadležne općinske službe za upravu).

III

Kandidovani projekti moraju ispunjavati slijedeće uslove:

1. da su registrovani na području općine Lukavac,
2. da su njihove aktivnosti u skladu sa zakonom i pravilima koja vrijede za nediskriminaciju na osnovu jezika, religije, nacionalnog ili socijalnog porijekla, političkog ili drugog mišljenja, spola, invaliditeta ili na bilo koji drugi način,
3. da se projekt realizira do kraja budžetske 2021. godine u kojoj su sredstva odobrena,
4. da se uz projekt dostavi finansijski i opisni izveštaj o radu, ukoliko su aplikanti bili korisnici sredstava Budžeta općine Lukavac,
5. Da su upisani u registar omladinskih udruženja i neformalnih grupa mlađih Općine Lukavac.

Projekti trebaju biti namijenjeni mlađima, što podrazumijeva:

- Aktivnosti koje se tiču unapređenja zdravlja mlađih,
- kreativno izražavanje mlađih kroz muziku, umjetnost (koncerti, sviranje muzičkih instrumenata, škola slikanja, izložbe, pozorišne predstave i slično),
- sportske aktivnosti,

Strana 1 od 3



ISO 9001:2015
No. 308550 QM15

Općina Lukavac - Općinski Načelnik, Trg slobode 1, 75300

Lukavac

www.lukavac.ba, e-mail: kabinet-nacelnika@lukavac.ba
Tel. +387 35 366 700, fax: +387 35 366 703



ISO 9001:2015
No. 308550 QM15

- edukacije mladih (npr. borba protiv aktuelnih poroka u društvu, kurs informatike, stranih jezika, pisanje CV-a, pisanje projekata i slično),
- aktivnosti koje promovišu odgovoran odnos prema prirodi i unaprjeđenju kvaliteta ljudskog života (uređenje, čišćenje, pošumljavanje životne sredine i slično) i
- aktivnosti koje potiču mlade na veće učešće u društvenom životu, demokratiju, toleranciju i ravnopravnost spolova, promovisanje volonterizma i slično.

IV

Finansijski se neće podržati:

1. projekti usmjereni na promociju političkih partija,
2. projekti podnositaca zahtjeva sa druge općine,
3. projekti kojima se finansiraju bruto i neto plaće i osnovne djelatnosti,
4. projekti kojima je jedina svrha korist zaposlenih u pravnom licu,
5. projekti predlagača koji ne ispunjavaju propisane uslove za podsticaj mladima,
6. projekti udruženja koji svoje aktivnosti ne obavljaju u skladu sa zakonom i pravilima koja vrijede za nediskriminaciju na osnovu jezika, religije, nacionalnog ili socijalnog porijekla, političkog ili drugog mišljenja, spola, invaliditeta ili na bilo koji drugi način.

V

Uz prijavu na Javni poziv potrebno je dostaviti:

1. projekat na propisanom obrascu sa prijedlogom finansijskog plana projekta,
2. dokaz o sufinansiranju projekta – za one projekte koji imaju sufinansiranje (ovjerena kopija, uvjerenja, izjave ili potvrde, garancija pravnog lica ili fizičkog lica koje će sufinansirati projekt, odnosno izvod sa bankovnog računa aplikanta kao dokaz da posjeduje sredstva predviđena za sufinansiranje),
3. dokaz o pravnom statusu i djelatnosti podnositelja projekta (ovjerena kopija rješenja o registraciji),
4. uvjerenje banke o statusu računa u kojoj omladinska organizacija ima otvoren račun
5. saglasnost nadležne općinske službe za projekte koji se realizuju na javnoj površini (postavljanje klupa, korpi za otpatke, sadnice i slično) i
6. završni obračun (bilans stanja i uspjeha za prethodnu godinu).

VI

Korisnici sredstava su dužni podnijeti izvještaj o realizaciji projekta i utrošku sredstava Komisiji u roku od 30 dana od realizacije projekta.

Korisnici sredstava su obavezni priložiti kopije fiskalnih računa ili uplatnice i fotografije o realizaciji projekta.

Korisnicima sredstava koji nisu dostavili izvještaj o realizaciji projekta Komisija neće odobriti sredstva za novi projekt.

Javni poziv je objavljen na službenoj internet stranici Općine i na oglasnoj ploči Općine Lukavac dana 08.10.2021. godine.

Javni poziv ostaje otvoren 15 (petnaest) dana od dana objavljivanja na službenoj internet stranici Općine i na oglasnoj ploči Općine Lukavac.

Prijave na javni poziv sa potrebnom dokumentacijom, sa naznakom „Javni poziv za podsticaj mladima“, mogu se predati lično u šalter salu Općine Lukavac svakim radnim danom od 07.00-15.30 sati, ili slati putem pošte na adresu:

Općina Lukavac
Služba za upravu, društvene djelatnosti, mlade i boračko-invalidsku zaštitu
Trg Slobode br. 1
Komisija za raspodjelu sredstava za podsticaj mladima

NEPOTPUNE I NEBLAGOVREMENE PRIJAVE NEĆE SE UZETI U RAZMATRANJE

POMOĆNIK OPĆINSKOG NAČELNIKA
Emir Kasumović, dipl. pravnik

OPĆINSKI NAČELNIK
dr.sc. Edin Delić

Dostaviti:

1. Služba za upravu, društvene djelatnosti, mlade i boračko-invalidsku zaštitu,
2. Oglasna ploča Općine Lukavac 2x,
3. Evidencija 2x,
4. a/a